



## Universitätsbibliothek Paderborn

**Vita S. Erphonis, Mimigardefordensis Avt  
Mimmigernefordensis Nvnc Monasteriensis Episcopi, In  
Ordine & Nvmero Septimi Decimi**

**Boichorst, Albert**

**Monasteri[i] Westphaliae, 1649**

Capvt IX. De Concilio Claromontano, declaratâ ibidem auctoritate Vrbani  
Secundi Papae, expeditione Hierosolymitanâ, & itinere S. Erphonis in  
Terram Sanctam.

**urn:nbn:de:hbz:466:1-13197**

		Schilling.	Pfen.
ANNO	1546	23	○
	1547	23	6
	1548	24	○
	1549	24	○
	1550	24	○

3. Porro nota haec est talis, Nota. Memoria Beati ERPHONIS huius Sedis Episcopi, quā fuit Secundus Ecclesiae nostrae Fundator, peragetur circa Festum B. Martini, cantabuntur Vigiliae in Capella eiusdem, cum lectionibus longioribus, Parce mihi Domine, &c. cum Inuitatio-rio Circumdederunt me, &c. ac ibidem ponentur quatuor cerei, ad quatuor extremitates panni serici in paucimento extensi, quodlibet lumen de talento cera, quorum unum Custrix Conuentus S. Marie Monasterij Transaque tenetur ad hoc ministrare, & Thesaurarius pro tempore alia tria procurare, & illud unum à Custrice etiam facere afferri, que quatuor lu-mina prædicta incensa, ab initio Vigiliarum continuo ardebunt sine extinctione usque in cra-sinum, donec Missa animarum fuerit finita, quorum superflua cedunt Thesaurario prædi-cto, ut in ordinario novo signatum est.

### C A P V T N O N V M.

#### De Concilio Claromontano, declaratā ibidem authoritate Urbani Secundi Papæ expeditione Hierosolymitanā, & itinere S. ERPHONIS in Terram Sanctam.

I Nterim regnante in Oriente Imperatore Alexio Comneno, & Romanae Ecclæ Præsidente Urbano Papa, eius nominis Secundo, iterum atque iterum urgentibus literis Imperatoris Constantinopolitani, quibus nuntiabatur ob Turcatum progressus Orientalem Ecclesiam periclitari, Concilium ad Clarum mon-tēm indictum fuit, in eoquæ Urbanus Papa gnauiter agere cœpit, ut à fidelibus Christianis ferretur auxilium periclitanti Orientali Ecclesiae, potissimum vero Hierosolymorum, à cuius Patriarcha Simeone, deferente Petro Heremitâ, li-teras commiseratione dignas acceperat, quibus Christi Incunabula atque Sepulchrum, ceteraque Loca Sancta, ipsius memorie consecrata, ab infide-libus Turcis profanata, omniisque genere contumeliarum affecta deplorabat. Habitis itaque pluribus in hoc eodem Concilio ab Urbano Papa ea de re exhortationibus & concionibus, ac qui aderant Ecclesiarum, Præla-tis commonitis, ut ad propria reuersi, cum omni instantiâ &

G 2 debi-

52

debitâ sollicitudine plebes suas ad idem hortarentur, expeditio in Terram Sanctam decreta fuit.

Inde autem recedentes Episcopi & Prælati illud impigre præstantes ad eò profecerunt, ut præ multitudine dantiu[m] nomina, opus fuerit adhortari quam plurimos, quorum vel ætas vel valetudo, ponderi militari subeundo, impar esse manifestis inditiis videretur. Erat verò pro stipendio indulgentia peccatorum proposita, atque pro tessellâ militari signum Sanctissimæ Crucis rubei, aut, ut habet Ludouicus Aurelius in contractione Annalium Ecclesiasticorum Baronij lib. ii. ad Annum Christi 1095. & Tursellin. in Epitom. histor. lib. 8. sub Henrico IV. purpurei coloris, super scapulam dextram impressum vestibus; & ut nihil ire voluntibus obiiceretur impedimenti, ante omnia placuit decreto Synodali statuere, ut cuncta bona eorum, qui militarent, semper & ubique essent in pace, &c. ut vocabant, Treu[n]gâ, neimpè ab omnibus inquietationibus libera, quoisque rediissent.

Hac igitur Episcoporum & Prælatorum ex Concilio redeuntium, & impigre officium suum præstantium exhortatione, instantiâ & sollicitudine variisque eorundem concionibus commotis quam plurimis, multisque tam Episcopis & Prælatis, quam aliis nomina sua sacræ militæ dantibus, Sanctus quoque vir ERPHO, sacræ & gloriæ in Terram sanctam expeditioni deesse noluit. Et quamquam vir coram Deo Iustus & Sanctus esset, attamen se injustum & peccatore humiliter reputans, pro indulgentiâ peccatorum consequendâ, militæ sanctæ nomen dedit, signumque sanctissimæ Crucis, rubei aut purpurei coloris, ut habet historia, protessetâ militari assumpsit. Idem confirmatur ex libro rubro Collegij Mauritiani, fol. 49. pag. 2. vbi sequentia habentur. *Huic, nimirum Friderico, successit secundus Collegij Fundator Diuus ERPHO Magnopolensis, dicti Friderici cognatus. Hic suscep[er]to Crucis signo, & secum Ludolphus tunc Praepositus huius Ecclesie, cum multis Nobilibus & Principibus, quorum Dukes & primicerij erant Hugo Magnus Philippi Francorum Regis frater, & duo Roberti, quorum alter Normandie, alter Flandrie Comes, & item Godfridus, Eustachius & Balduinus cognomento, Boliani, Galitiae Comites, profecti sunt anno salutis 1084. 2. in expeditionem Hierosolymitanam contra Turcas & Saracenos, vbi in sanctâ terrâ Ludolphus Praepositus occisus est.* 3.

Iter autem hoc Hierosolymitanum tanto promptius & libenter S. ERPHO atripuit, & obuiis quasi vlnis acceptauit, quod videret, & quotidiè experiretur omnia Henrici Imperatoris acta & gesta semper in peius ire, atque ita fortiter in manifestas contra Ecclesiam Romanam flamas, vindictasque erumpere, ut vix pauci Germaniæ Antistites eius furorem, & insolentiam planè indignationem evadere potuerint; Ut igitur omni sese eriperet periculo, occasionem hanc declaratae in Terram sanctam per ipsum Summum Pontificem expeditionis, S. noster

ita

ita promptè arripuit, vt ab octauâ Festi S. Martini, Anno 1095. vsque ad 3. Idus Februarij Anni 1096. id est, intra tres Menses, non solum sacram militiae tesserae assumpserit, sed etiam ipso facto & actu sese itineri commiserit, malueritque pro nomine Christi esse peregrinus & exul, quam horrendæ & dolendæ Ecclesiæ Germaniæ confusione vterius superesse spectator.

Porrò illud minimè mirandum, aut ullatenus in sinistram partem trahendum est, quod Sanctus Vir ERPHO Episcopus ad regendam Dei Ecclesiam deputatus, iuxta illud Apostoli, *Vos Spiritus Sanctus posuit Episcopos regere Ecclesiam Dei, Consil. Tridentin. Sess. 6. de reform. cap. 1.* nomen suum sacræ militiae dederit, quia illud vti sacri Canones Episcopis & Clericis, maximè iubente & adhortante Summo Romanæ Sedis Pontifice expressè permittunt, *Can. igitur cum sapè 23. quest. 8. vbi Gloss. in verbo egressi, dicit, Episcopi possunt interesse bellis, nam & Sanctus Paulus interfuit. Can. Maximianus 23. quest. 3. & Can. de occidendis, ibi aut verò quoniam Paulus Apostolus 23. quest. 5. imò in tali bello occumbentibus præmium cœleste promittunt Can. omni tempore 23. quest. 8. atque etiam hostilitatum, tentationumque omnium repulsio, Episcopis suprà gregem Domini iugiter vigilantibus, vel maximè conuenit, iuxta exemplum Iudæ Machabæi, qui induit seloricam sicut Gigas, & saccinxit se arma bellica in prælijs, & protegebat castra gladio suo 1. Machab. 3. præf. enim Episcopus Ecclesie, quæ est terribilis, vt castrorum acies ordinata. Cellot. in tract. de Hierar. lib. 6. cap. 4. §. 7. ita & alij sanctissimi Antistites idem fecerunt, inter quos eminent Bonfilius Auximanus, sanctissimus Fulginei apud Vmbriam Episcopus, qui & alios nonnullos suæ ipsius Diœcesis, sacerdotum ministros secum tulit. *Ludou. Aurel. in contract. Annalium Baron. dicto lib. 11. Anno Christi 1095. §. Nec reticendus.**

Quibus & illud adiungere placuit, quod tum temporis Rogerij Apuliae & Campaniæ Ducis frater Boamundus, ardore nimio ad sacrum bellum accensus, sericum pannum afferri jussum, innumera in frusta considerit ad sacras cruces militiae tesseras concinnandas, vti refert idem *Ludou. Aurel. ad Annum Christi 1079.*

Proseccionem autem & iter S. nostri è Diœcesi Monasterensi aut Mimigardefordensi in Terram sanctam quod attinet, posset quidem non leibus motus argumentis quis afferere, illud Anno 1091 pridiè Idus Februar. contigisse: eius enim originale Diploma in Archivio Fricconhorstensi conservatum sic habet, quod istius Diplomatis Anno 1090. erexit tertium bannum 3. Idus Februar. consecrans in Ecclesiâ Cathedrali Altare S. Ioannis Baptistæ, & peccatores pro reconciliatione in Ecclesiam introducens, promulgauerit, afferens se in sequenti die Hierosolymam iturum, prout modo in memorati Diplomatis habent formalia. Huic sui ipsius testimonio sequentes accedunt rationes. Primo, quod videatur bannum Episcopalem de bimestri in bimestre tum temporis proclamari solitum,

ut ex ipso Diplomate latius & expressius videre est, ideoque de tam Sancto Virgo & Antistite soleritissimo præsumendum aut statuendum non sit, eum tam socordē aut negligenter fuisse, ut tertiam banni promulgationem ad aliquot annos distulerit. Secundò, quod pius P̄f̄sul & zelosus veritatis amator, huic subscriptioni expressè ac sollicitè absque dubio adiungi curasset, illam aliquot annis post primā & secundam promulgationem contigisse, atq; ita etiam ipsum Annū (si de immediatè sequenti Diplomatiū non intellexisset, aut intelligi voluisset) factæ tertiae promulgationis expressisset. Tertiò, quod afferat primam banni promulgationem factam 4 Non Septemb. secundam 4 Non. Nouemb. tertiam 3. Id Februarij, quæ non nisi de Nonis & Idib immediatè sequentibus accipienda & intelligenda sunt, prout etiam aliter congruè accipi aut intelligi non possunt. Quartò, quod hæc ultima banni promulgatio eadem manu, eodemque charactere, quamvis minori & compressiori, scripta inueniatur, quod utique post aliquot annorum curriculū probabiliter & verisimiliter fieri non potuisset, Secretariis aut Amanuensibus interim mutatis aut mortuis. Quibus rationibus & argumentis quiuis facillimè conuictus statueret & affereret, hanc expeditionem incidisse in Annū Domini 1091. & S. ERPHONEM in suo Diplomate Anno 1090. 4 Non. Nouemb. erecto postmodum mentionatas Februarij Idus, illas de Anno proximè in sequenti, & non posteriori, intellexisse, & intelligi voluisse. Sed cum communis & ferè constans 4. Historicorum sit sententia, Conciliū Claromonitanū Anno 1095. celebratum, illudque Hierosolymitanam expeditionem sub Godefrido Lotharingiæ Duce Anno 1096. subsecutam esse, priori sententiae firmiter inhärente non ausim; Credibile igitur est, famā per Diocesim Monasteriensem inualesce, Vitum Sanctum Cruciatæ nomen dedisse, ac iam omnia ad ipsius discessum & iter in Terram sanctam composita, ipsumque velut in procinctu esse, vniuersos eius fideles ac subditos de componendis & peragendis omnibus ante illius discessum, ad animæ corporisq; salutem necessariis, sollicitos fuisse, quod multorum pœnitentium adhuc pridiè arrepti itineris, cum Ecclesiā facta reconciliatio & absolutio, satis demonstrat, sicque inter alios & Abbatissam Virginēsq; Fricconhorstenses rebus suis prospicere satagentes rogasse, ut ordinationis Episcopali fœlicibus suis auspiciis erectæ, extremam manū apponereret, id est, pro maiori eius firmitate & robore, tertium bannum Episcopalem, monendo & exhortando ante iter tam periculosum & longinquum adhuc semel vniuersos, promulgareret. Quod autem S. ERPHO ipsum etiam huius tertiae promulgationis Annū exprimi non fecerit, illud idē factum esse existimo, quod putaret satis esse, si tantum exprimeret, se in sequenti die Hierosolymam in tam celebri expeditione iturū, ex quo omnis posteritas annum facillimè scire & colligere posset; certum enim habebat tantæ & tam famosæ expeditonis, quâ vniuersus Occidens commotus fuit, annum apud posteros ignoratum non iri.

NO-

## NOTÆ

## AD CAPUT NONVM.

1. P. Francisc. Longo à Coriolano Capuccinus in summâ Conciliorum, de Claromontano sub Urbano II. celebrato, mentionem faciens, referensq; Canones eiusdem, dicit secundum istius Concilij Canonem fuisse subsequentis tenoris. Quicunq; pro solâ deuotione, non pro honoris vel pecuniae adeptione, ad liberandam Ecclesiam Dei, Ierusalem profectus fuerit, iter illud pro omni pœnitentia reputetur. Cum itaq; S. ERPHO pro solâ deuotione, non pro honoris, aut pecuniae adeptione, iter Hierosolymitanum suscepit, illud ipsi, quamvis & cum Sancto, pro omni pœnitentia reputatum fuit.

2. Hic error irrepit, An. enim 1084. S. ERPHO nondū actualiter fuit Monasteriensis Episcopus, vt superius manifestè probatum est; Apparet autem errorem hunc descriptū ex Platina de vita Pontificum sub Urbano II. vbi eadem ferè verba inueniuntur, quem auctorem tum temporis, nimis Anno 1529. recenter editum tanquam neotericum, & quem præ alijs veritatem attigisse existimabat, libri Mauritianis scriptor & compilator secutus esse videtur.

3. In libro memoriarum & Festorum Ecclesie Mauritianæ fol. 24. pag. 1. sub lit. D. de hoc Ludolpho Præposito sequentia inueniuntur. Quatuor Coronatorum Martyrum 8. Nouembr. Ludolphus Præpositus huius Ecclesie, Presbyter, occisus in Terrâ Sanctâ, dedit decem marcas Ecclesie nostræ, qui vnâ cum ERPHONE profectus est in Terram sanctam. Et paulò superius in eodem libro, Pro memoria Ludolphi Præpositi nostri in Terrâ sanctâ occisi, Præpositus & Conuentus in Cappenberg, dabit Ecclesie Maiori 11. solidos pro eiusdem anniversario; Ex quo & illud colligere licet, etiam tum temporis Præpositos S. Mauritii fuisse Canonicos Cathedrales, ac habuisse proprietatem, & liberam suorum bonorum administrationem, alioquin dictus Præpositus pro memoria sua aliquid Ecclesie dare non potuisset.

4. Non absque causâ asserui esse communem & ferè constantem Historicorum sententiam Concilium Claromontanum Anno 1095. celebratum esse, aliqui enim authores in hoc variare videntur: nam imprimis Platina de vita Pontificum sub Urbano II. expressè habet, illud ante Annum 1084. aut certè illo Anno celebratum esse, cuius hæc sunt formalia. Pontifex itaq; cum in Italia nullibi quietis locum cerneret, in Gallias profecturus Placentia Synodum habuit, in quâ licentiam quorundam Ecclesiasticorum mirificè compescuit. Inde verò in Gallias abiens rem memoratu dignam aggressus est; Concilio enim apud Claram Montem habito, ita Principes Gallie ad recuperandam Hierosolymam, à Saracenis iam diu occupatam animauit, vt Anno salutis millesimo octogesimo quarto trecenta millia hominum nomen in militiam Christi dederint, signumq; Crucis suscepint. Deinde & suprà mentionatus P. Franciscus Longo à Coriolano in summâ Conciliorum, sub Urbano II. Concilij Claromontani mentionem faciens, referensq; Canones eius, 32. descriptos in Codice Lamberti Episcopi Atrebaten sis, quos totidem lineis Antonium Augustinum descripsisse astruit, dicit decreta Domini Urbani Papæ II. Anno Christi 1094. in Decemb. in Claromontensi

Con-

Concilio facta esse, vbi etiam afferit, dicere describentem, Antonium Augustinum ut puto, librum Lamberti Episcopi Atrebaten sis ante 400. Annos conscriptum esse: Eundem Claromontensis Concilij Annum astruit Antonius Guelfi Florentinus in summario vitarū Imper. nuper, nimirum Anno 1642. Micerat & Italico idiomate impresso, sub Henrico IV. Quidam quoque Anonymus auctor, qui scripsit historiam à mundo condito, illam in septem etates partitus, cuiusq; opus Anno 1493. Norinberge impressum est, expreſſe dicit, celebrationem Concilij Claromontensis contigisse eo Anno, qui Christianæ salutis nonagesimus quartus, supra milleſimum fuit. Existimo autem auctorem hunc anonymum esse Hartmannum Scedel Nitrinbergensem, ille enim inter alia scripsit ex Iacobo Pergameni, & alijs historicis, addens nonnulla, maximè de rebus Germanorum, opus grande & insigne, quod continet historias temporum: claruit Anno 1494. vti tradit Conrad. Gesner. in Epitome Bibliothecæ. Videt itaq; benevolus Lector, quoad annum celebrati Concilij Claromontensis historicos non omni ex parte conuenire. Quin iudicem idem auctor Anonymus habet ſcēpē dictum Concilium Claromontanum subsecutæ expeditionis Hierosolymitanæ initium fuisse Anno 1094. & tum tempus trecenta hominum milia insignita & censita, qui etiam tradit Anno 1097. post varias consultationes, multasq; præuiſas difficultates Ciuitatem Antiochenam naturā loci munitissimam obſideri cœptam esse, captamque. Dein Calend. Octob. Antiochiae conuenientes expeditionis Christianæ Principes, & declarato Boamundo Antiochia Duce, Hierosolymam exercitum mouere inſtituisse, atque ita Anno ſequenti, nimirum 1098. 4. Non. Maij, illis eo profiſcentibus poſt duorum & paulo amplius mensium obſidionem, nimirum Idibus Iulij, Ciuitatem Hierosolymitanam occupatam eſſe, qua omnia posterioribus Annis contigisse Historici communiter afferunt, unde veritatis ſtudioſius indagandæ cuilibet materiam & occaſionem relictam cupio

## CAPUT DECIMVM.

**D**e Godefrido Boloniensi Comite, Bullionij Domino, & poſtmodum per adoptionem Lotharingiae Duce, in cuius laudabili & pio comitatu S. ERPHO in Terram sanctam perrexit.

**G**odefridus Comes Boloniensis, Bullionij Dominus, & poſtmodum Lotharingiae Dux, vti habet Wilhelmus Tyrensis ArchiEpiscopus, historiæ ſuæ lib. 9. cap. 3. oriundus fuit de Regno Francorum, de Rhemensi Prouinciâ, Ciuitate Boloniensi, quæ eſt ſecus mare Anglicum ſita. ab ILLUSTRIBUS & Religiosis originem ducens progenitoribus. Pater eius fuit Dominus Eustachius Senior, ILLUSTRIS & Magnificus eiusdem regionis Comes, cuius multa & memorabilia fuerunt opera,